

# Da culandi à issu mare

Da culandi à issu mare  
Ancu ad ochji chjusi  
T'induvinu è ti sentu  
Lutana è vicina da mè

**Da culandi à issu mare**  
**Ci sè tù...**  
**Da culandi à issu mare**  
**Ci sè tù...**

Oghje sè culor' d'oru  
È di cascì russicci  
Staccati da lu ventu  
Si copre la to terra

**Da culandi à issu mare**  
**Ci sè tù...**  
**Da culandi à issu mare**  
**Ci sè tù...**

S'arrustanu i castagni  
Inturniati à i fucari  
Pinsendu à tutti li fiori  
Di u branu vicinu

**Da culandi à issu mare**  
**Ci sè tù...**  
**Da culandi à issu mare**  
**Ci sè tù...**

Imbiundisci lu fenu  
Aspittandu issi tempi  
Chì omi è donni  
Faranu a furlanera

**Da culandi à issu mare**

**Ci sè tù...**

**Da culandi à issu mare**

**Ci sè tù...**